

佛說新歲經

竟

東晉天竺三藏曇無蘭譯

聞如是一時佛在舍衛國祇樹給孤獨園與大比丘眾八萬四千人俱舍利弗目連等前後圍遶聽佛說經佛慶大會猶如須彌眾山之王獨峻高顯如月盛滿照于群星威光雅景如紫金耀於是場地皆作金色卓然特異巍巍無侶於時世尊與比丘眾俱清淨無量如日如雲終竟三月以至新歲諸比丘眾寂然憍怕一心自思念於道定無有異想於是賢者阿難即從座起偏袒右膝右膝著地長跪叉手前自歸佛足以偈歎曰

佛尊所以來遊此以濟護三月慶於斯祇樹孤獨園所願以具足今正是其時導師無等倫應宣布新歲

於時世尊聞阿難說偈歎誦至真寂坐一面告賢者大目犍連汝往詣三千大千世界幽閑山谷峻頂石室志遍聲告諸比丘眾始進舊學逮諸未悟悉使來會於斯祇樹所以者何如

新歲經 第三張 竟

已候

來以到欲立新歲時大目犍連踊在虛空承佛聖旨而發洪音告于三千大千世界其大響中自然演偈而說頌曰

仁等所以慶林藪山石間新歲時已到心所願當成

時諸比丘所在遊居三千大千世界聞斯偈告各各以神足若干方便變現其身到祇樹園行詣佛所受立新歲并在佛邊合集弟子各從異方他土來者一時都會凡八十萬四千億姦欲受新歲彼時世尊告賢者阿難汝往擊于捷提時今已到阿難受教即從座起而擗捷提聲遍佛土一佛大國地獄餓鬼畜生聞捷提音承佛威神一切諸病苦毒悉除皆得安隱於時世尊以淨梵音告諸比丘汝等且起行舍羅籌各各相對悔過自責相謝眾失所犯非法各忍和同淨身口心令無餘穢時諸比丘即受佛教各從坐起在世尊前各各相謝懺悔所失託還復坐在其本位

佛時見眾各還位坐佛垂慈照因從座起而叉手向諸比丘言諸比丘眾

新歲經 第三張 竟

當和心相向向汝悔過所以者何我身口意儻相違失雖無上尊如來至真無有誤失闕漏之業心不放逸不失智慧無所貪慕不毀禁戒於諸聲聞緣覺中尊德超諸天世間人民三界最長而無等侶入諸比丘若種姓出家學道修沙門法心性各異志操不同在斯佛業當可施行宜奉訓誨不得違犯所以者何若有比丘慶於聖眾建立新歲身行各異心念不同而懷諛諂計彼比丘不受真正不應具戒所以者何身口意淨乃善真正受佛具戒心抱恭恪順上中下不為憍恣慙愧下意乃應法戒所以者何如是行者無有怨憎不為結恨觀古今法無有憤亂建立新歲亦無瞋恚自大之心所以者何戒禁清淨造立新歲建立寂大戒不清淨非佛弟子猶如死人屍形在地棄捐塚間天上世間諸天人各賣良藥神呪好術慙念療之不能使活如是比丘毀犯禁戒正使入眾若干新歲不能自救違成新歲所以者何是人毀戒會

歸自然因還獲報地獄餓鬼畜生苦  
 毒酸楚無量汝勤慎之佛說是法已  
 即從座起離于草蓐尋時三千大千  
 世界六反震動筵篔簹仗樂不鼓自鳴  
 天於虛空雨衆名香而散雜花佛說  
 是戒法品時告比丘衆時諸比丘各  
 在本坐以佛聖言威神之誨功勳光  
 明皆以普周各自起立心不復樂在  
 於常坐山巖樹下唯是為欲各從  
 座起稽首佛足口自白言一切諸法  
 皆從佛受聖則道本為一切護慈愍  
 之目取尊殊持聖德無上超絕無侶  
 巍巍堂堂宣布道化於時如來遷延  
 尊位懺謝聖衆矜愍天下還就蓐蓐  
 佛適復坐聖衆亦然各就故位復坐  
 如法

今時世尊見歲時到愍念諸會在此  
 丘前三自今竟所立畢訖五比丘從  
 座起建立新歲適立新歲一萬比丘  
 得成道跡八千比丘得阿羅漢虛空  
 諸天八萬四千咸見開化皆發無上  
 正真道意講說經法不可計數衆生  
 之類建立三乘今佛慈哀枉屈至尊

處在衆座度脫危厄十方蒙濟於時  
 難頭和難龍王各捨本居皆持澤香  
 栴檀雜香往詣佛所至新歲場歸命  
 於佛及與聖衆稽首足下以栴檀雜  
 香供養佛及比丘僧便以斯偈而歎  
 頌曰

其在於山巖 坐於陰樹下 若遊於大海  
 而懷飢腹恨 來坐立新歲 億載衆生集  
 供養志奉佛 得成甘露門

於時海龍王賈赤真珠化作上妙交  
 露閣帳廣長四百里紫紺瑠璃而共  
 合成手執擎持行虛空中出龍宮上  
 從交露閣八味水池流清灑地供養  
 如來及比丘衆以交露閣貢上大聖  
 及比丘僧以珠瓔珞散佛聖衆即說  
 偈言

清淨如虛空等一自然無禁戒寔清淨  
 踰瑜妙明珠 無央數衆輩 坐在於大會  
 悉供養安住 及諸聲聞衆

今時十方諸菩薩天龍神王各從十  
 方面而未合會化作若干奇妙供具  
 供養世尊及比丘衆稽首歸命諮受  
 經典各復如是等無有異咸來稽首

皆發無上正真道意於是天人各各  
 發心供養世尊及諸聖衆以偈歎曰  
 其心以清淨第一無思議 聖衆取尊長  
 在於會中坐去離一切想 善除衆垢穢  
 今日奉供養所敬不可議 開化常衆難  
 一切諸塵勞其戒禁清淨 猶寶明月珠  
 常心思惟正斷衆結腹恨 今日離垢尊  
 合會立新歲 誨心難調化 遵行猶太山  
 消礙常行法 佛安立新歲

時諸天人說是偈已稽首佛足忽然  
 不現各歸本宮而各欣悅以法自娛  
 於時世尊顯大陰涼衆寶交露以布  
 聖衆便說此偈

其戒最清淨 所行甚難逮 今日以樂施  
 覆遍立新歲 貢上安住子 護戒甚清淨  
 如鷦愛其毛 佛威護新歲

佛告諸比丘今佛世尊雖新歲一年  
 一會修行法則清淨道護嚴身口意  
 三事無穢奉行十善四等六度蠲除  
 六情三毒五蓋十二牽連淨如日出  
 照於天下明暉照耀衆冥消索入于  
 道明無上正真一切和同苦樂無二  
 乃應道法佛於是即說頌曰

新歲經 第七次 竟

諸佛與出快說經法亦快 聖眾和同快  
和常得安樂

佛說如是諸比丘眾諸天龍鬼神阿  
湏倫世間人民聞佛所說莫不歡喜  
作禮而去

竅尊行為在舍衛 為眾弟子說如是  
一切為在祇樹會 今鉢和蘭造為常  
舍利弗叉手白佛 願聞等見鉢和蘭  
三界有名識說時 比丘自淨法云何  
舍利弗羅我布草 為於樹下降魔力

若曹布草亦如是 今汝所生當自淨  
如應賢者坐 是為無所畏 已坐樂無欲  
在三界安隱 夏行今已竟 為是佛弟子  
當各自分別 懲傷在世間 今是歲大月  
為覺第一智能自捨身行 見斷若干苦  
為說諸罪出 覺和無數苦 是已得道迹  
今為鉢和蘭 貪欲瞋恚薄 亦能除本癡  
為能斷生死 亦不惱想根 自致得天上  
亦來生人間 是已得二道 今為鉢和蘭  
已致得天上 亦不得下生 為在所生天  
諸愛為已滅 世間第一法 尊行為已得  
是已得二道 今為鉢和蘭 一切諸惡惱  
為盡得解脫 已得四甘露 是為無所畏  
諸冥為已壞 所向一切苦 是二四眾道

新歲經 第八次 竟

今為鉢和蘭 一月已竟即得一智 二月已到便得二智  
一時三月便得三智 喻樂三智今為鉢和蘭  
已拔四瘡無有餘者 已度岸住為得安隱  
已竟四月為無所著 已成功德今為鉢和蘭

能伏龍頭難頭和羅 須彌山動亦并海水  
所致天處皆為其動 目捷連輩今為鉢和蘭  
自覺竅賢者 為諸處已盡 為世間祐者  
佛自說是語 常獨行樹間 為辭喻如群  
為眾辟支佛 今為鉢和蘭 三處不復著

眾為意清淨 三神為已定 為已離憍慢  
在三界無欲 亦不動靜意 安辭如須彌  
今為鉢和蘭 已行在右四 四道為已定  
佛說是賢者 眾為眾增德 所祠施眾安  
終無有能敗 佛得眾聚慧 今為鉢和蘭  
持戒為已具 眾力不能動 法食衣被服  
常樂在山間 是為已堅行 具足無瑕穢  
清淨行者地 今為鉢和蘭 持戒斷諸惡  
眾叉手受法 為一切所向 眾魔皆為伏  
諸天常善人 稱譽戒具足 不復觀眾魔  
今為鉢和蘭

佛說新歲經  
癸卯歲高麗國大藏都監奉  
勅彫造

佛說新歲經

校勘記

- 一 底本，麗藏本。
- 一 四四〇頁上二行譯者，**磧**、**普**、**南**、**徑**、**清**作「東晉沙門竺曇無蘭譯」。
- 一 四四〇頁中七行及中一七行「各各」，**磧**、**普**、**南**、**徑**、**清**作「各」。
- 一 四四〇頁中二一行第五字「在」，**磧**、**普**、**南**、**徑**、**清**無。
- 一 四四〇頁下六行「入諸比丘」，**磧**、**普**、**南**、**徑**、**清**作「又諸比丘言」。
- 一 四四一頁上七行「聖言」，**磧**、**南**、**徑**、**清**作「聖真」。
- 一 四四一頁上一八行第四字「自」，**磧**、**南**、**徑**、**清**作「白」。
- 一 四四一頁中一一行第九字「哉」，**磧**、**普**、**南**、**徑**、**清**作「紫金」。
- 一 四四一頁下五行「常眾」，**磧**、**普**、**南**、**徑**、**清**作「掌眾」。
- 一 四四二頁上二行末字「樂」，**磧**、**南**、**徑**、**清**作「隱」。

四四二頁上六行至本頁中二一行  
「寂尊……鉢和蘭」，破、普、南、徑、清無。